

Headline	Tambah rumah mampu milik
MediaTitle	Harian Metro
Date	24 Jul 2017
Section	Setempat
Page No	34
Language	Malay
Journalist	N/A
Frequency	Daily



**Kuala Lumpur:** Kerajaan bersetuju mempertimbangkan cadangan memperbanyakkan rumah mampu milik dengan harga antara RM150,000 dan RM200,000 untuk penjawat awam di negara ini.

Menteri Kewangan II Datuk Seri Johari Abdul Ghani berkata, ia cadangan dan langkah terbaik membantu penjawat awam untuk memiliki rumah sendiri pada harga mampu milik.

"Saya bersetuju dengan cadangan Kongres Kesatuan Pekerja-Pekerja Dalam Perkhidmatan Awam (CUEPACS) memperbanyakkan rumah mampu milik untuk penjawat awam pada harga antara RM150,000 dan RM200,000.

"Kita perlu lihat dari segi permintaan dan lokasi ke-

## Tambah rumah mampu milik



**JOHARI** (dua dari kiri) melayan tetamu yang hadir ke rumah terbuka, semalam.

**FAKTA**  
CUEPACS cadang rumah berharga antara RM150,000 hingga RM200,000

rana jika lokasi itu tidak sesuai atau jauh dari kemudahan awam sudah pasti tiada yang berminat, justeru ia perlu dibincangkan dengan teliti," katanya yang ditemui pada Majlis Rumah Terbuka Aidilfitri Parlimen

Titivangsa di Dewan Komuniti Taman Maluri, di sini, semalam.

Rumah terbuka itu meriah dengan kehadiran ribuan berbilang kaum dan agama, malah ia satu peluang bagi mereka untuk mengenali Ahli Parlimen

Titivangsa itu dengan lebih dekat lagi.

Menurut Johari, CUEPACS boleh membantu kerajaan dengan memberikan maklumat hasil tinjauan pada ahlinya mengenai rumah di perlukan, lokasi bersesuaian dan sebagainya.

Maklumat itu katanya, akan disalurkan kepada Kementerian Kesejahteraan Bandar, Perumahan dan Kerajaan Tempatan sebagai perancangan akan datang.

"Kita perlu menerima hakikat dengan keadaan tanah di bandar dan barang pembinaan yang semakin mahal menyebabkan ramai orang tidak mampu membeli rumah berharga RM300,000.

"Kerajaan tidak mampu memberi subsidi kepada semua orang untuk memiliki rumah murah pada harga RM70,000, tetapi hanya mereka yang tidak mempunyai pendapatan tetap atau tidak mencukupi saja," katanya.